

**Talamdan sa
Mga Mensahe alang sa Full-time Training
sa Spring Term sa 2023**

**LINANGKOB NGA HISGOTANAN:
ANG MAHINUNGدانONG MGA PUNTO SA KAMATUORAN SA MGA SULAT NI PABLO**

Mensahe 5

**Diha ni Adam ug diha ni Cristo—
ang Diosnong Pagbalhin gikan ni Adam ngadto ni Cristo**

Basahong Kasulatan: Rom. 5:12-21; 6:3-4; 1 Cor. 15:22, 45, 47; Gal. 3:27

- I. Kon gusto tang masayod pag-ayo ug hustong makasinati sa paagi sa kaluwasan sa Dios, kina-hanglan makita nato nga sa panan-aw sa Dios dunay duha ra ka tawo sa uniberso—si Adam ug si Cristo—Rom. 5:14-15:**
- A. Si Adam ang unang tawo, “ang unang tawo, nga si Adam—1 Cor. 15:45a:
 - 1. “Gikan sa yuta ang unang tawo, iya-sa-yuta”—v. 47a.
 - 2. Nagpasabot ang *gikan sa yuta* sa gigikanan sa unang tawo, ni Adam, ug ang *iya-sa-yuta*, sa iyang kinaiya.
 - 3. Sa panan-aw sa Dios usa ra ka tawo si Adam ug ang iyang mga kaliwat.
 - B. Si Cristo ang ikaduhang tawo, ang kataposang Adam—v. 45b:
 - 1. Segun sa panan-aw sa Dios, si Cristo ra ang tawo human ni Adam kay duna ra may usa ka tawo sa wala pa si Cristo; busa, si Adam ang unang tawo, ug si Cristo ang ikaduhang tawo—v. 47b.
 - 2. Dili lang ikaduhang tawo si Cristo kondili ang kataposang Adam sab—v. 45b.
 - C. Ang panan-aw sa Dios mao nga naa ni Adam o naa ba ni Cristo ang tanang tawo sa kalibotan—Rom. 5:14:
 - 1. Si Adam ang ulo sa daang hiniusang tawo (katawhan); bisan unsay gibuhat niya ug bisan unsay nahitabo niya giambitan sa tanang katawhan—v. 14.
 - 2. Ning bahina hulagway si Adam ni Cristo, nga Ulo sa bag-ong hiniusang tawo, sa iglesia; bisan unsay gibuhat Niya ug bisan unsay nahitabo Niya giambitan sa tanang bahin sa Iyang Lawas, sa iglesia—Efe. 2:15-16; 1:22-23.
- II. Diha ni Adam gipanganak ta nga mga makasasala, naumol nga mga makasasala, ug napanunod nato ang sala ug kamatayon—Rom. 5:12, 15, 17, 19:**
- A. Ang unang nadawat nato diha ni Adam mao ang sala; pinaagi ni Adam nidangat sa tanang tawo ang sala—v. 12:
 - 1. Masal-anon ta dili tungod kay nakabuhat tag mga sala; naumol ta nga mga makasasala diha ni Adam—v. 19.
 - 2. Tungod sa pagkadili-masinugtanon ni Adam, nakasala ta, ug naumol nga mga makasasala.
 - B. Kay mga makasasala man ta diha ni Adam, angayan sab tang hukman kay niambit man ta sa pagkahinukman ni Adam—v. 18:
 - 1. Ang pagpakasala ni Adam pagpakasala nato kay naa man ta niya.
 - 2. Sa pagkabaton natog sala diha ni Adam, napanunod sab nato ang pagkahinukman ni Adam; ang pagkaanaa nato ni Adam nakapaambit nato sa pagkahinukman—v. 18.
 - C. Diha ni Adam una, napanunod nato ang sala, unya ang pagkahinukman, ug sa kataposan ang kamatayon—1 Cor. 15:22:
 - 1. Hain ngani ang sala, naay pagkahinukman, ug hain ngani ang pagkahinukman, naa gyoy kama-tayon—Rom. 6:23a.
 - 2. Daghag aspeto ang kamatayon nato diha ni Adam:
 - a. Namatay ta sa atong espiritu tungod sa sala nga naa sa atong unod—Efe. 2:1, 5; Col. 2:13.
 - b. Naglakip sa kamatayon sa atong lawas ang pagkahinukman, nga niini mawad-ag kinabuhi ang atong lawas ug mobalik sa abog—Gen. 2:7; 3:17-19.

- c. Moresulta sa kamatayon sa kalag ang pagkahinukman, nga niini sakiton ang kalag didto sa Hades—Luc. 16:22-25.
 - d. Ang usa pa ka aspeto sa pagkahinukman mao ang ikaduhang kamatayon, nga niini itambog sa linawng kalayo ang espiritu, kalag, ug lawas sa mga wala motuo aron mag-antos; kini ang kataposang kamatayon ug ang walay kataposang kamatayon—Bug. 20:15; 21:8.
3. Diha ni Adam naa nato kining tulo ka makalilisang nga butang—sala, pagkahinukman, ug kamatayon.

III. Isip mga magtutuo ni Cristo, gibalhin na ta gikan ni Adam ngadto ni Cristo—Rom. 5:12-21:

- A. Gipanganak ta pag-usab diha ni Cristo sa pagkabanhaw; ning pag-anak pag-usab nahitabo ang dios-nong pagbalhin ug nagbalhin nato gikan ni Adam ngadto ni Cristo—1 Ped. 1:3.
- B. Naghisgot ang Juan 3:16 sa pagtuo “ngadto Niya” (ni Cristo):
 - 1. Nakapasulod nato ni Cristo ang atong pagtuo—v. 15.
 - 2. Sa pagtuo nato sa Ginoo, nagdala nato ngadto ni Cristo ang atong pagtuo aron makasulod ta Niya ug mahimong tawo diha Niya—v. 16; 1 Cor. 1:30.
- C. Gipanganak ta diha sa ginsakpan ni Adam, apan pinaagi sa pagpabautismo nato gibalhin ta ngadto sa ginsakpan ni Cristo—Gal. 3:27:
 - 1. Ang pagtuo ug pagpabautismo duha ka bahin sa usa ka lakang aron makasulod ta sa Ginoo—Mar. 16:16.
 - 2. Ang pagtuo ug pagpabautismo usa ka kompletong lakang nga magdala nato ngadto ni Cristo, magbalhin nato gikan ni Adam ngadto ni Cristo aron mahimo tang tawo nga naa ni Cristo—Rom. 6:3-4.
- D. Pagbuot sa Dios nga naa ta ni Cristo Jesus—1 Cor. 1:30:
 - 1. Ang kaakohan nato mao ang pagtuo ug pagpabautismo aron makasulod ta ni Cristo.
 - 2. Kon ang Espiritu ug kinabuhi ang hisgotan, pagbuot sa Dios nga naa ta ni Cristo Jesus—v. 30.

IV. Sa nabalhin na ta ngadto ni Cristo, nabatnan nato ang dili maihap nga kadato ni Cristo:

- A. Ang unang gidala ni Cristo kanato mao ang pagkamatarong; nag-umol nato nga matarong ang pag-sugot ni Cristo aron mahimo tang mga tawong matarong—Rom. 5:18-19.
- B. Diha ni Cristo balaodnon tang gitubos, gipasaylo, gimatarong, ug gipasig-uli sa Dios—Efe. 1:7; Rom. 3:24; 5:10a.
- C. Ang “usa ka matarong nga buhat” nga pagkamatay ni Cristo sa krus niresulta sa “pagmatarong sa kinabuhi”; alang sa kinabuhi ang pagmatarong—v. 18.
 - 1. Pinaagi sa pagmatarong nakasakat ta sa sukdanan sa pagkamatarong sa Dios mao nga maka-paambit na Siya karon sa Iyang kinabuhi kanato.
 - 2. Nag-usab sa posisyon nato sa gawas ang pagmatarong; nag-usab sa kondisyon nato sa sulod ang kinabuhi—v. 18.
- D. Diha ni Cristo organico tang gipanganak pag-usab aron mahimong daghang anak sa Dios, ang daghang igsoon ni Cristo, aron maumol ang iglesia, ang Lawas ni Cristo—1 Ped. 1:3; Rom. 8:14, 19; 12:5; Efe. 1:22-23.
- E. Diha ni Cristo nabatnan nato dili lang ang tulo ka butang sa pagkamatarong, pagmatarong, ug kinabuhi kondili ang tanang espirituhanong panalangin sab sa kalangitan—v. 3.
- F. Diha ni Cristo gipahigawas ta gikan sa daotang gingharian ni Satanas, sa ato pa, sa pagbulot-an sa kangitngitan—Buh. 26:18; Col. 1:13a.
- G. Diha ni Cristo gipahigawas ta gikan sa kakawangan sa daang kabuhatan—Rom. 8:20-23.
- H. “Kon duna may tawo nga naa ni Cristo, bag-o siyang binuhat; nangagi na ang daang mga butang; ania karon, nangabag-o na kini”—2 Cor. 5:17:
 - 1. Nahimo na tang bag-ong binuhat diha ni Cristo; nangagi na ang daang mga butang diha ni Adam, ug nangabag-o na kini diha ni Cristo.
 - 2. Resulta kini sa pagkabalhin nato gikan ni Adam ngadto ni Cristo.